



TOUCHER

CENTURION ROLBALKLUB

CENTURION BOWLS CLUB

(www.centurion.bowls-club.co.za)

secretary@centurion-bowls.co.za

NUUSBRIEF / NEWS LETTER

Augustus

2023

August

Kind words do not cost much. Yet they accomplish much. - Blaise Pascal

HOOGTEPUNTE

Op 22 Julie het die tradisionele vierhoekige byeenkoms tussen Centurion, Lynnwood, Villieria en Bronkhorstspruit rolbalklubs plaasgevind. Elke klub is verteenwoordig deur drie mans- en drie damesspanne. Ons klub het oortuigend met die louere weggestap, as weners van die byeenkoms, en weners van die wisseltrofee tussen Centurion en Lynnwood. Welgedaan aan almal!



Die maandelikse worslopies (op 4 Julie en 1 Augustus) is weer eens knap bestuur deur Tertius van de Venter. Die Julie-wenens was Hendrina Haupt en Herman du Plessis, en die Augustus-wenens was Johan de Villiers en Leon Smith (gesamentlik in die eerste plek), met Gerrit Kamper en Hannes Botha as naaswenens.

En, as jaarlikse hoogtepunt, was daar die Jaareindfunksie.....

JAAREINDFUNKSIE 19 AUGUSTUS.

Die Jaareindfunksie op 19 Augustus is goed bygewoon. Dit het om 10:00 begin met 'n gepaste opening met gebed (deur William Rapp) en die prysuitdeling. Heel eerste is die ligaspanne vir hul besondere prestasies vereer, naamlik die 2de divisiespan (mans) wat as wenens promoveer na die 1e divisie, die 3de divisiespan (dames) wat tweede geëindig het, asook die 5de divisiespan (mans) wat op 'n mepunt nie die eerste plek kon haal nie. (*Span fotos op fotoblad hieronder*). Daarna is die bekens en sertifikate in die klubkompetisies toegeken. Die wenens en naaswenens

in die onderskeie kategorieë word verderaan in hierdie uitgawe in die rubriek oor klubkompetisies aangetoon - baie geluk aan al die wenner en naaswenner! Die trofee vir beste vordering is verower deur Helena Payne en Piet Swemmer. Ernst en Linda Müller het weggestap met die toekenning vir besondere diens aan die klub. Welgedaan! Die hoogtepunt was sekerlik die oorhandiging van die Victrix Ludorum en Victor Ludorum trofee aan onderskeidelik Dalina Brits en Tian Pietersen. Baie geluk aan hierdie twee toppresterders!

Na 'n kuierverposing van ongeveer 'n halfuur het die jaarvergadering amptelik begin. Vier mosies het heelwat debat uitgelok, en is met redelike eenstemmigheid hanteer. Die ouditeur, Apie Nieuwoudt, het kortliks sy positiewe uitkyk op die klub se geldsake weergegee, waarna Marieta Fourie op haar bekende bekware wyse die nuwe begroting deurgegaan het. Die aankondiging van die verlaging in ledegeld is met applous begroet, met groot algemene dankbaarheid oor die positiewe wending in die klub se finansies.

In die daaropvolgende verkiesings is Jurg Odendaal as nuwe president verkies, met Bosman Olivier as vise-president. Ander nuwe bestuurslede is Helena Payne (administratiewe beampte), Ettienne Olckers (klubhuisbestuurder), Rina Meyer (gasvryheidsbestuurder) en Ernst Müller (rolbalontwikkeling). Lede wat aanbly in hul portefeuljies is Hermien Velleman (sekretaresse), Marieta Fourie (tesourier), Thea Opperman (klubkompetisies: dames), Herman du Plessis (klubkompetisies: mans), Dawie Hanekom (kommunikasie) en Gerrit Kamper (Toucher). Die poste van perkemeester en kroegbestuurder kon helaas nie gevul word nie.

Die nuwe keurkomitee (dames) is Karien Roos (Sameroeper), Thea Opperman, Dorina du Plessis, Eurika Lawrence en Tillie Kamper, en dié vir die mans bestaan uit Hannes Botha (sameroeper), Wim van der Waals, Brian Kleingeld, Pieter Pretorius en Ernst Müller. Baie sterkte aan hierdie lede vir die groot werk vorentoe!

Jurg Odendaal het die vergadering afgesluit met bedanking van al die betrokkenes, veral ook die dames wat gesorg het vir die baie welkome sop en broodjies. In 'n kort slotwoord het hy al die lede bedank vir die vertroue in hom, en beklemtoon dat die klem op goeie diens, en die uitbou van die statuut van die klub sal val. Lees gerus ook Jurg se boodskap hierna.

Opgesom: Die klub kon vir die 51ste keer 'n mooi en geslaagde jaarvergadering hou!

ONS NUWE PRESIDENT AAN DIE WOORD.....



Goeiedag Almal, dit is lekker om kortliks met julle oor die jaar wat vir ons as Centurion Rolbalfamilie voorlê, te kan gesels. Dit gaan vir my persoonlik 'n voorreg wees om hierdie trotse klub en elkeen van sy lede te kan dien. Ek twyfel nie vir 'n oomblik dat die res van die Bestuurspan presies dieselfde hieroor voel nie. Baie geluk aan die lede van die nuwe Bestuurskomitee. Dankie ook aan al die lede van die vorige komitee vir julle bydrae tot die sukses van die 2022/2023 finansiële jaar. Die afgelope jaar was een waarin ons ons finansiële posisie aansienlik kon verbeter, 'n plek na die eerste Liga (Mans) kon oopveg, die klub se ledetal kon verhoog en verskeie ander prestasies kon behaal.

Ek vertrou dat ons hierdie jaar sterk vordering sal maak in die vestiging van Centurion Rolbalklub as een van die top drie rolbalklubs in Gauteng-Noord, terwyl ons alles in ons vermoë sal doen om te verseker dat waardes soos respek, integriteit en deursigtigheid die basis van al ons werksaamhede sal vorm. Met goeie beplanning, spanwerk en kommunikasie kan ons groot treë vorentoe neem in die bereiking van hierdie visie.


Centurion Rolbalklub is reeds as 'n uitstekende sosiale klub bekend - ons wil nie alleen op hierdie sterkpunt voortbou nie, maar ook verseker dat ons as 'n kompeterende klub net soveel bekendheid verwerf. Kom ons gee ons volle ondersteuning aan elkeen van ons liga- en ander spanne wat die klub by soveel verskillende geleenthede gaan verteenwoordig.

Ek wil elkeen van julle uitnoui om met my of enige van die Bestuurskomiteelede i.v.m. voorstelle en frustrasies te gesels sodat ons tydlig aandag daaraan kan gee. Dankie ook by voorbaat aan elkeen van die groot aantal ervare en kundige lede in ons klub, op wie se knoppie ons vorentoe so gereeld sal kan druk vir advies en hulp. Ons benodig elkeen in hierdie klub se hulp en ondersteuning om een van die beste rolbalklubs te wees.

Dankie vir die vertroue wat julle in elke lid van die Bestuursspan stel!

Jurg Odendaal

EULOGY: JOHN VAN DER VEEN (26-07-1934 – 26-07-2023)



John van der Veen passed away on his 89th birthday. He was a true gentleman, well spoken, even funny at times. His father was a Dutch immigrant to Scotland, and his mother a Scot, hence the combination of a Scotsman's looks, but with a Dutch surname. John always remained proud of his Scottish heritage. He and Ann played many years for Zwartkop Bowling Club, and at its closure in 2016, they joined our club.

He also played for Nomads for many years. John worked in Swaziland before moving on to the SABS in Pretoria, where he was employed in the electricity departement. He started playing bowls after he married Ann. That was 27 years ago. He had two daughters from his first marriage, and became the stepfather of four sons after his marriage with Ann.

He and Ann were a wonderful example of marital love - at the age of 89 and 90, they still walked hand in hand to the clubhouse, unforgettable! On the bowling green, he was the soft spoken, but formidable game changer, in whatever position he played.

We will miss John sorely. Goodbye, dear friend.

Judy Ralph.

VANWAAR GEHASI? / FROM WHERE GEHAZI?

Eurika Lawrence



Ek het as kind opgegroeï in Port Elizabeth. Ek het vir 'n paar jaar loodglasvensters gebou, maar die lood en die patina is giftig en later moes ek ophou daarmee, want dit het my keel begin affekteer. My man en ek het begin rolbal speel nadat ons kinders hoërskool verlaat het. Ons het dadelik baie daarvan gehou. Ek speel nou seker al so 15 jaar rolbal en geniet beide sosiale spel en kompetisies baie. 'n Rukkie terug het ek vanaf Irene Buiteklub oorgeskuif na Centurion en vind die sosiale spel en die mense hier baie aangenaam! Ek hoop om nog vir baie jare rolbal te kan speel.

Andre Lightfoot



I was born in a small village called Riebeeck East, approximately 40 km from Grahamstown in the Eastern Cape. We were five brothers, one of whom was my twin brother, Arthur, who unfortunately passed away at the age of 64 due to colon cancer. I now have only one brother left who resides in Port Elizabeth. My mother eventually divorced and got married to the most wonderful man on this earth even though he was ten years younger than my mother. All five brothers were from the first marriage.

When I was two years old we relocated to Mayfair in Johannesburg. During high school years the three younger brothers were moved from an English school to Hoërskool DF Malan where we matriculated in Afrikaans. I was called up to do my nine months army duty of which I did six months at 1st SAI in Oudtshoorn. It was during this time that I met my future wife Sarie at the age of 17 and we got married six years later. We are now nearing our 53rd anniversary, God willing.

Of my highlights was being able to travel the world with my wife through company incentives. I had worked for the company for over 36 years. At the age of 32 decided to run the Comrades marathon and I completed it in 8 hrs and 26 min. Thereafter my brothers and I completed 15 Comrades marathons, including four silver medal runs. My eldest son Quinton also then completed six Comrades marathons and joined me in completing the Duzi canoe marathon with my brothers. We also participated in the swim and canoe Iron Man series for four years. What a memorable time this was!

We have three children, two boys aged 46 and 51 years and my daughter (adopted at the age of three months) aged 50 years. We now have five grandchildren, two boys aged 10 and 15 years and three grand daughters aged 13, 21 and 23 years. We are really blessed.

We resided in Krugersdorp for over 25 years and then moved to Honeydew Ridge after the children moved on. We stayed there until my retirement. We then relocated to our holiday home which we had built in a small idyllic village called Cannon Rocks near Kenton-on-Sea in the Eastern Province where we spent three unforgettable years. We then sold up again and moved to Sunningdale, Bloubergstrand. It was here where I joined the Sunningdale Bowling Club. For the first time in years I found a new calling and was back to rebuilding a future in a beautiful sport.



After a year I was nominated as the vice president of the club and spent the next four years working hard at building the future of the club. I was then playing as lead for the first division, which we won that year. Unfortunately, it was during this time that Cape Town experienced the worst drought in history. We were unable to water our greens for seven months and this caused our rinks to deteriorate, and we started losing members. Our club was part of a private sports club who controlled all the decision-making, not allowing us to maintain the greens. During the next year we had just started recovering when Covid 19 hit us, resulting in more member losses. It was during this time that I started rock painting to keep myself busy and thoroughly enjoyed it. This eventually turned into canvas painting during my stay at Groot-Brakrivier, where we had located to the following year.

I joined the Groot-Brakrivier Bowling Club and spent three wonderful years playing for the club as Third in their first division. Unfortunately, I could not finish the competition as we then relocated to Pretoria. I was accepted into the Centurion Bowling Club and have since enjoyed an unforgettable experience with lovely members and a beautiful club. I am truly blessed.

BESTUUR

Sake wat tydens die bestuursvergaderings op 7 Julie en 11 Augustus bespreek is, kom grootliks elders in hierdie uitgawe ter sprake, of word per WhatsApp aan lede deurgegee.

Die volgende bestuursvergadering vind plaas op 8 September 2023.

KOMPETISIES

Klub

Die Klubkompetisies vir 2022-2023 is afgehandel en die uitslae verskyn in die volgende tabelle. Baie geluk aan die wenners, naasweners en groot dank aan al die deelnemers, en veral ook aan die organiseerders Thea Opperman en Herman du Plessis!

Fotos van die Wenners verskyn hierna. Besoek gerus ons Facebook werf om ook die naasweners en ander fotos van die AJV en Prysuitdeling te sien. Baie dankie aan die fotografe Etienne Olckers en Albie Hanekom.

Dames

KOMPETISIE	WENNERS	NAASWENNERS	INSKRYWINGS
Enkels Ope	Eurika Lawrence	Dalina Brits	22
	Maria Steyn	Cathy Austen	22
Beginners Enkels	Helena Payne	Adri Greve	6
Gelote Driespel	Dorina du Plessis, Tillie Kamper, Susaar van Rooyen.	Karien Roos, Priscilla Lamprecht, Helena Payne	24
Gelote Vierspel	Karien Roos, Dalina Brits, Zinda Muller, Anette Olivier	Dorina du Plessis, Thea Opperman, Anita Beukes, Louie Weber	24
Gekose Pare	Eurika Lawrence, Dalina Brits	Thea Opperman, Louie Weber	24
Lekkerbreek	Louie Weber		29 lede.

Mans

KOMPETISIE	WENNERS	NAASWENNERS	INSKRYWINGS
Enkels Ope	Tian Pietersen	Pieter Pretorius	30
Senior Enkels	Wim vd Waals	Hannes Botha	18
Beginners Enkels	Hadri Roux	Jaco Immelman	13
Gelote Driespel	Tian Pietersen, Johan Meaker, Ettienne Olckers	Bosman Olivier, Piet Swemmer, Flip Matteus	12
Gelote Vierspel	Tian Pietersen, Andre Lightfoot, Piet Brits, Jaco Immelman	Hannes Botha, Brian Kleingeld, Herman du Plessis, Flip Matteus.	8
Gekose Pare	Matie Stander Japie Horn	Tian Pietersen Piet Britz	24
Gemengde Pare	Herman du Plessis Elize du Plessis	Tian Pietersen Bets du Plessis	20 pare

Wenners/Winners

Dames/Ladies



Dalina Brits



Eurica Lawrence



Maria Steyn



Helena Payne



Dalina en Eurica



Suzaar van Rooyen, Dorina
Du Plessis en Tillie Kamper



Dalina Brits, Karien Roos
Zinda Muller en Anette Olivier

Mans/Men



Tian Pietersen



Wim vd Waals



Hadri Roux



Japie Horn en Matie Stander



Etienne Olckers, Tian
(Inlas- Johan Meaker)



Pieter Brits, Tian, Andre Lightfoot
en Jaco Immelman

Spesiale Toekenning:
Staatmakers (Unsung Heroes)



Ernst en Zinda Muller

Lekkerbreeek 2023
Algehele Wenner



Louie Weber

Liga spanne



BGN en Liga

Steeds stilte voor die storm.....

Mans Keurders vir 2023-24 Seisoen



Hannes Botha
(Sameroeper)



Ernst Muller



Pieter Pretorius



Wim vd Waals



Brian Kleingeld

Dames Keurders vir 2023-24 Seisoen



Karien Roos
(Sameroeper)



Dorina du Plessis



Eurika Lawrence



Thea Opperman



Tillie Kamper

ROLBALONTWIKKELING

Vyf potensiële nuwe lede ontvang tans afrigting, met groot dank aan die afrigters, naamlik Leon, Hermien, Bosman, Wim, Ernst en Zinda.

Die Woensdagmiddag parespel in 2-4-2-formaat is steeds 'n groot sukses, met telkens 'n aantal kandidate wat wil speel, op die waglys. 'n Baie spesiale dankie weer eens aan Leon Smith vir al sy moeite! Op 9 Augustus was dit die laaste geleentheid waar op twee bane gespeel kan word. Vir die volgende 4 tot 6 weke sal daar op slegs een baan gespeel kan word as gevolg van die sluiting van een baan vir onderhoudswerk vanaf 21 Augustus. Voorsiening word egter gemaak dat indien daar meer as 28 spelers inskryf die restant die volgende Woensdag kan speel.

LEDESAKE

Verjaarsdae in Augustus

3	Mike Heyns & Andre Lightfoot	21	Marius Potgieter en Piet Schutte
8	Eidel Bock	22	Susaar van Rooyen
9	Sue Render	23	Brian Kleingeld
11	Gerrit Kamper	27	Werner Klerck en Zinda Müller
15	Dorina du Plessis		

Verjaarsdae in September

1	Gert Cloete	17	William Rapp
2	Naudene Ward (vriend)	22	Christa Roux
3	Anita Beukes	25	Bets du Plessis
5	Thina Stern	26	Kobus Nieuwoudt
14	Piet Swemmer		

Nuwe lede

Stoffel Mynhardt en Adri Behr. Baie welkom, en tientalle voorspoedige kilometers vir julle en julle rolbalballe toegewens!

Lief en leed

Beste wense vir mooi beterskap aan die volgende lede wat almal op een of ander wyse uitdagings met gesondheid beleef (het): Bruce Austen, Stani Antonites, Mike Heyns en Doep du Plessis.

Speeltye (Winter)

- Dinsdae - gemengde spel, skyfies in 9:15 vir 9:30
- Donderdae - gemengde spel, skyfies in 9:15 vir 9:30
- Saterdag - gemengde spel, skyfies in 13:15 vir 13:30

Spel word Saterdag in klubdrag gespeel en gewone drag vir die ander dae. Vir klubwedstryde en klubfunksies trek ons ook klubdrag aan.

Fondse

Ledegeld en ander inbetalings wat betaal word moet as verwysing jou naam en van toon, asook waarvoor jy die betaling maak. Dit sal die Tesourier se taak aansienlik vergemaklik.

Klubfooie kan verkieslik direk in die klub se bankrekening inbetaal word.

Centurion Bowling Cub

ABSA Centurion. (Takkode 632005)

Tjekrekeningnr 405 332 3178

Verwysing: Naam en Van asook "Ledegeld"

Ledegeld plus BGN affiliasiefooie is ten volle betaalbaar teen 31 Oktober 2023.

Ouderdom soos op 1 Julie 2023.

Kategorie	Ledegeld	Affiliasie	Totaal
Bo 75	R1620	R520	R2140
75 en jonger	R1830	R520	R2350

Spesiale reëlins vir afbetaling kan met die Tesouriere gereël word. Skakel met Marieta Fourie by: secretary@centurion-bowls.co.za of Marieta.fourie@dustaside.com.

Boeke

Snuffel gerus in die boekrakke vir iets om te lees en huistoe te neem. Daar is 'n kassie waarin jy R5 per boek moet ingooi. As jy klaar gelees het bring die boek asseblief terug sodat iemand anders ook die leesgenot daarvan kan hê. Baie dankie, Judy, vir die versorging van ons boeke.

Diensrooster

Aangebring op kennisgewingbord.

GREENS AND FACILITIES

During August – September the greens will be reconditioned, one after the other, ensuring that play will continue. The green which remains open for play will be divided into seven rinks, accommodating a maximum of 56 players. Members are advised to report early for play. A special word of thanks to Ernst and Zinda Müller for their invaluable efforts in ensuring that play can continue.

KLEINJAN

Goeie more ma

Ek het vanoggend na 'n goeie nagrus my oë oopgemaak en besef ek haal nog asem. Nou wel nie so sterk soos dertig jaar gelede nie, maar genoeg om my weer eens deur die dag te dra. Nog gesond deur genade. Die sonnetjie skyn vlou soos dit 'n winterson betaam. Ek het reeds vroeg die lapa skoon afgestof en ge vacuum. Reg vir die res van die dag.

Verder gaan dit so tussen die boom en die bas. Ek het die groot boom voor my huis laat verwyder deur die tree fellers. Een van daardie groot peule wat die bessies dra het afgeval en ek was baie naby aan die boom. Ek het so te sê teen die boom ge staan. Die peul het direk langs my geval. Amper was ek deel van die boom, so tussen die boom en die bas.

Ek en die man wat die baas van die tree fellers is het sommer 'n paar tjoppies gebraai terwyl hulle besig was en vir die werkers 'n paar stukke wors en papoffie gemaak. (Papoffie is slap pap en koffie.) Die pap was nie my idee nie maar dit lyk my boomsnyers like dit oor die honderd. Ek het vir Jhonyboy by die klub daarvan vertel en hy noem my toe 'n naam wat vir my nie vars geklink het nie. Toe ek hom daarna vra sê hy dit was net 'n oksimoron en dit was figuurlik gesproke. Ek het in oom Kasparus se woordeboek nageslaan. Dit lyk my oksimoron is, as jy dit uitmekaar uit haal, aan die een kant oksiedasie, wat roes is en aan die ander kant moron, wat onnosel is, so ek weet nie wat se figuurlikheit hy bedoel het nie. My hare is nie eens rooi nie so die roes is uit en ek het darem standaard ses twee keer ge doen.

Wilhelem, wat nou derde speel, vertel dat 'n Wes Kaapse man van die vissers gemeenskap hom gister by die petrol pompe genader het. Hy sê vir hom hy verkoop vis en kalamari, en nog ander seekosse ook. Direk van Saldanhabaai af. Kyk, Wilhelem ken sy vis en alle gediertes wat onder die waters is en op die rotse woon. Partykeer die wat op die strand lê en sonbaai ook. Hy word nie sommer met 'n slap snoek gevang nie.

Om die intripinêr toe weg te kry verbuig Wilhelem toe bietjie die waarheid en sê vir die Koi-San hy het laas week by fish monger gaan eet, net om sy seekos epitait op datum te kry. Hy bestel toe 'n seeperdjie vir voorgereg en 'n meermin vir hoofereg. Hy sê hy was seker allergies vir die meermin want die volgende dag het hy 'n erge uitslag ge had. All over his body. Die mannetjie se oë rek toe soos sopborde en hy sê toe net, haai nee meneer, dis die ergste wat ek nog gehoor het. Hy is toe daar weg met sy viserye en al.

Sjoe ma, 'n lit vertel vir ons dat hulle twee weke gelede by 'n vakansieoord was naby 'n plaas waar hulle hoenders het. Daar was etlike duisende vliege by die oord. Hulle is so lui jy moet hulle optel en op die kos neersit. As hulle dik ge vreet is moet jy hulle weer optel en op 'n ander plek gaan neersit. Party was blou maar net as hulle in die oggend uit die yskas uit kruip. Doom maak hulle niks.

Hermanus het weer 'n week by sy diere vriende in die wildtuin gaan kuier. Dit was toe sy wredehelfte bietjie oor die see gaan kuier het. Daar is van die bobejane vir wie hy al by die naam ken. Party ken hom ook. Hulle noem hom boghom.

Elouise het bietjie vir die Faroës in Egipteland gaan sien. Ek het nie eens geweet al die oorlede Faroës was vrouens nie. Elouise sê sy het dit na gelees. Hulle was almal mammies. As hulle mans was, was hulle pappies. Daar was mos die een mooi een wat die vrouens se biekienies uitgevind het. Haar naam was Netvirtietie. Toeka het hulle mos net met bo stukke in die Nyl rivier geswem. Sy is ook al oorlede en daar is nie baie kiekies van haar op rekord nie. Elouise wou met haar eie oë gaan sien hoe lyk die eerste uitvindsel wat nog in die meeuseem in Egipteland is.

Ma, ek moet nou eers weer groet en reg maak vir die nightshift.

Lekker week verder

Kleinjan.

AND IN CLOSING.....

A bowler's wish.

May Good Fortune guide our woods,

Just as we're inclined.

May our first be on the jack,

And the next behind.

May our Numbers Two and Three

Be where we would have them be.

Most important, may our skip

Save us should the others slip.

(Goodwin P G, undated. The bowling companion)

XXXXXXXXXXXXXXXXXXXXXXXXXXXX

Stuur asb jou nuuswaardighede aan Gerrit Kamper by kampergd9@gmail.com , praat met hom op die rolbalbaan of in die klubhuis, of skakel met hom by 0731715630.

Besoek gerus ons webwerf by: www.centurion.bowls-club.co.za en ook ons Facebook blad by

<https://www.facebook.com/Centurion-Rolbalklub-Bowling-Club>.

Neem ook kennis van die Klub se e-posadres: secretary@centurion-bowls.co.za

Wanneer u e-pos aan hierdie adres stuur, sal dit minstens al die lede van die Dagbestuur bereik.